

novit me Pater, & ego cognosco Patrem, &c. & alias oves (gentes) pascō, quæ non sunt ex hoc ovili, &c. Ioan. 10. vers. 1..17.

I. C. elegit septuaginta Discipulos, quos singulos binos emittit prædicatum in omnem locum.

XCIX. Post hæc autem designavit & alios septuaginta duos, & misit illos binos ante faciem suam in omnem civitatem, & locum, quo erat ipse venturus, & dicebat illis; Messis quidem multa, operarii autem pauci. Rogate dominum messis, ut mittat operarios in messē suam, Ite, ecce mitto vos sicut agnos inter lupos, &c. Dat præcepta Christus, quæ observanda sunt, cum eis, quibus prædicent.

Reversi cum gaudio dicebant in nomine ejus, sibi dæmonia subiecta fuisse, &c. dicit Iesus, Verumtamen in hoc nolite gaudere, quia vobis Spiritus subjiciuntur: gaudete autem, quod nomina vestra scripta sunt in cælis. Luc. 10. vers. 1.... 20.

I. C. confitetur Patri quod mysteria sua à sapientibus abscondit, & ea parvulis revelavit.

C. In ipsa hora exultavit Spiritu sancto, & dixit: Confiteor tibi Pater....quod abscondisti hæc à sapientibus & prudentibus, & revelasti ea parvulis, & sic placuit ante te. Et nemo novit quis sit Filius, nisi Pater: & quis sit Pater nisi Filius: & cui Filius voluerit revelare. Tum ad discipulos conversus eos invitat ut ad se veniant, quod jugum suum suave sit, & onus leve. Matth. ibid. vers. 28. 30. Matth. 11. vers. 25. 26. 27. Luc. 10. vers. 21. 22.

I. C. legisperito petenti, quid faciendum esset, ut vitam æternam possideret; respondet, & eum ad legem remittit, & quod omnis homo nobis sit proximus demonstrat.

CI. Legisperitus surrexit tentans eum (Christum) & dicens: Magister, quid faciendo vitam æternam possidebo? at Iesus dixit, In lege quid scriptum est? Ille respondens, dixit: Diliges Dominum Deum tuum ex toto corde tuo... & proximum sicut teipsum. Dixit illi (Iesus) Rectè respondisti: hoc fac, & vives. Ille autem dixit ad Iesum. Et quis est meus proximus? Tum Iesus Parabolam dat de homine, qui ab Ierusalem ad Iericho descendens incidit in latrones, à quibus spoliatus, fauciatus & semivivum relictum, nec Sacerdos, nec Levita, sed Samaritanus misericordia motus excepit, & illius curam egit: cumque legisperitus Samaritanum laudasset. Vade, ait illi Iesus, & tu fac similiter. Luc. 10. vers. 25.... 37.

I. C. Bethaniam intrans à Martha, & Maria excipitur, sed Martha apparando convivio operam dante, & Maria ad Christi pedes verbum illius audiente, Mariam dicit Iesus optimam partem elegerisse.

CII. Factum est autem dum irent, & ipse intravit in quoddam castellum, & mulier quæ-

dam, Martha nomine, excepit illum in domum suam: & huic erat soror nomine Maria, quæ sedens secus pedes Domini audiebat verbum illius. Martha autem satagebat circà frequens ministerium: quæ stetit, & ait, Domine, non est tibi curæ, quod soror mea reliquit me solam ministrare? Dic ergo illi, ut me adjuvet. Et respondens dixit illi Dominus: Martha, Martha, sollicita es & turbaris erga plurima. Porro unum est necessarium. Maria optimam partem elegit, quæ non auferetur ab ea. Luc. 10. vers. 38.... 42.

I. C. oranti petit unus ex Discipulis brevem orandi formam, quam ipse dat, sed perseverantem in oratione petitionem impetraturum docet.

Et factum est, cum esset in quodam loco CIII. orans, ut cessavit, dixit unus ex Discipulis ad eum: Domine, doce nos orare, sicut docuit & Ioannes discipulos suos, & ait illis, Cum oratis dicite: Pater noster, qui es in cælis. Sanctificetur nomen tuum. Adveniat regnum tuum. Fiat voluntas tua sicut in cælo & in terra. Panem nostrum quotidianum da nobis hodie. Et dimitte nobis debita nostra, sicut & nos dimittimus debitoribus nostris. Et ne nos inducas in tentationem: sed libera nos à malo. Amen. Matth. 6. vers. 9.... 13. Luc. 11. vers. 2.... 4. Sed in oratione perseverandum esse ad petitionem impetrandam, exemplo amici ab amico panes nocte petenti, qui repulsus, iterum pulsavit & obtinuit. Et ego dico vobis, petite, & dabitur vobis: quærite, & invenietis; pulsate, & aperietur vobis. Omnis enim, qui petit, accipit: & qui quærit inveniet, & pulsanti aperietur. Matth. 7. vers. 7. 8. Luc. 11. vers. 5.... 16.

I. C. mulierem ab annis decem & octo infirmam sanat Sabbato.

Mulier ab annis decem & octo inclinata CIV. erat, & omnino non poterat sursum respicere, eam cum videret Iesus, ait illi: Mulier, dimissa es ab infirmitate tua, & confestim erecta & glorificabat Deum. Archisynagogo indignante, quod Sabbato eam curasset Iesus, dixit ad illum Dominus: Unusquisque vestrum Sabbato non solvit bovem suum, aut asinam à præsepio, & ducit adquare? Hanc autem filiam Abrahæ, quam alligavit Satanas, non oportuit solvi à vinculo isto die Sabbati? Luc. 13. vers. 11.... 16.

I. C. monitus Herodem eum velle occidere respondet non sibi necem parari, nisi in Ierusalem, quæ statim deferenda erit.

Accesserunt quidam Phariseorum dicentes CV. illi, Exi, & vade hinc, quia Herodes vult te occidere, & ait illis: Ite & dicite vulpi illi: Ecce ejicio dæmonia, & sanitates perficio hodie, & tertiâ die consumor, verumtamen oportet me hodie, & cras, & sequenti die ambulare, quia non capit Prophetam perire